

Abhár:

**AISTRIÚ UIMHREACHA UATHÚLA DALTAÍ AGUS BUNEOLAS
FAOI DHALTAÍ IDIR EARNÁLACHA SCOILE**

**Uimhir Chiorcláin:
2010/09**

**Dáta eisiúna:
28 Bealtaine 2010**

Spríoclucht:

- Príomhoidí agus Boird Ghobharnóirí i ngach scoil dheontaschúnta;
- Baill foirne scoile a bhfuil baint acu le riarachán taifeaddaltaí;
- Boird Oideachais agus Leabharlainne;
- Comhairle Thuaisceart Éireann um Oideachas Comhtháite;
- Comhairle na Gaelscolaíochta;
- Comhairle na Scoileanna Caitliceacha faoi Chothabháil;

**Feasacht Gobharnóirí:
Riachtanach**

Achoimre ar Ábhar:

Tugann an chiorclán seo comhairle ar aistriú Uimhreacha Uathúla Daltaí agus Buneolais faoi Dhaltaí idir earnálacha

**Stádas Ábhair:
Eolas/Comhairle**

Fiosrúcháin:

Ba cheart aon fhiosrúchán faoi ábhar an chiorcláin seo a sheoladh chuig

Cáipéisí gaolmhara:
Ciorclán 2008/24
Ciorclán 2008/18
Nósanna imeachta deireadh bliana C2k
Nósanna imeachta C2k i gcomhair aistriú daltaí

Nósanna imeachta C2k i gcomhair aistriú daltaí Bliain 7/ Bliain 8
Nósanna Imeachta I gcomhair Aistrithe Comhroinnt sonraí agus ceisteanna gaolmhara eisithe ag RO (5 Deireadh Fómhair 2009)

Cáipéisí cealaithe:
Ceann ar bith

Dáta Éaga:
Ní bhaineann

Patricia Wyers
Statistics and Research Branch
Department of Education
Rathgael House
43 Balloo Road
BANGOR
BT19 7PR

**Láithreán gréasáin an
RO:**
<http://www.deni.gov.uk>

Guthán: 02891 279252
Facs: 02891 279594
R-phost:
patricia.wyers@deni.gov.uk

Intreoir

D'ullmhaigh an Roinn Oideachais (RO) an ciorclán seo le hiarbhunscoileanna, bunscoileanna agus scoileanna speisialta a chur ar an eolas faoi chóras atá á thabhairt isteach trínar féidir Uimhir Uathúil an Dalta (UUD) agus Buneolas faoi Dhaltaí a aistriú idir an earnáil bhunscolaíochta agus an earnáil iarbhunscolaíochta.

Cúlra

I Meitheamh 2006, cheadaigh an tAire go dtabharfaí isteach UUDanna do dhaltaí i scoileanna deontaschúnta. Tá próiseas an Chomhad Chomónta Aistrithe (CCA) le haghaidh aistriú UUDanna i bhfeidhm cheana féin in earnálacha scoile i.e. ó bhunscoil go bunscoil, ó iarbhunscoil go hiarbhunscoil agus ó scoileanna speisialta go scoileanna speisialta. Tá an córas á mhéadú anois le haistriú UUDanna ó bhunscoileanna go hiarbhunscoileanna a chlúdach.

Impleachtaí praiticiúla

- 1 Ní ceart UUDanna a chruthú ach do dhaltaí úra i naíolann agus i mBliain1 atá á gclárú i mbunscoileanna agus do na daltaí sin nár fhreastal riamh ar scoil i dTuaisceart Éireann.
- 2 Ba cheart seic a dheanamh ar stair scolaíochta scoláirí ó taobh amuigh de Thuaisceart Éireann atá á gclárú i do scoil le feiceáil an bhfuair siad oideachas roimhe seo i dTuaisceart Éireann.
 - a. Nuair nach bhfuil oideachas roimhe seo i dTuaisceart Éireann i gceist, ba cheart UUD a chruthú mar a léirítear sa cháipéis Nósanna Imeachta Deireadh Bliana atá le fáil ar mhalartán C2k
 - b. Má tá scoláire ag filleadh ar an oideachas i dTuaisceart Éireann, ba cheart CCA a iarraidh ar an scoil dheireanach a raibh an dalta cláraithe inti sular fhág sé Tuaisceart Éireann. Tá na nósanna imeachta d'aistriú CCAanna taobh istigh d'earnálacha léirithe sa cháipéis ar nósanna imeachta d'Aistriú Daltaí atá le fáil ar mhalartán C2k
- 3 Aistriú an CCA ón Earnáil Bhunscolaíochta go dtí an Earnáil Iarbhunscolaíochta
 - a. Caithfidh bunscoileanna CCD a sheoladh chuig gach iarbhunscoil a bhfuair a ndaltaí as Bliain 7 áit inti don bhliain acadúil úr. Caithfidh CCAanna bheith seolta taobh istigh de sheachtain amháin ón am a bhfaightear an fógra ó Oifig Aistrithe agus Chlárú Oscailte an BOL
 - b. Caithfidh iarbhunscoileanna an CCA a iompórtáil do gach dalta ar tairgeadh áit dó i mBliain 8 don bhliain acadúil úr ón scoil as ar tháinig sé.

Tá buneolas ar na nósanna imeachta thuas sa leabhrán Aistriú Daltaí Bliain 7 / Bliain 8: Leabhrán an Aistrithe atá le fáil ar mhalartán C2k

- 4 Thig le tuismitheoirí/caomhnóirí cóip den eolas a bhaineann lena bpáiste agus atá aistrithe idir an bhunscoil agus an iarbhunscoil a iarraidh. Ba cheart do scoileanna a chinntiú fosta go gcomhlíonann siad a ndualgaisí faoin reachtaíocht um chosaint sonraí. Le haghaidh tuilleadh eolais, féach le do thoil an cháipéis ar comhroinnt sonraí agus ar cheisteanna a bhaineann leis a eisíodh chuig scoileanna ar 5 Deireadh Fómhair 2009